

Ո Ր Ո Շ ՈՒ Մ

Վարչական իրավախախտման գործով գանգատն առանց
բավարարման, իսկ որոշումն անփոփոխ թողնելու մասին

17-2-1061

22.02.18

22.02.2018թ.

ք.Երևան

Ճանապարհային ոստիկանության պետ, ոստիկանության գնդապետ Եգոր
Կարապետյան, վերանայելով Արմեն Ալեքսանյանի դիմումի շուրջ ստեղծված նյութերը,

Պ Ա Ր Զ Ե Ց Ի


2018թ. փետրվարի 8-ին Երևան քաղաքի Դավիթաշեն 1թղմ. 372. 20բն. բնակիչ
Ա.Ալեքսանյանը դիմում է հասցեագրել այն մասին, որ իր նկատմամբ կայացվել է ԱԴ թիվ
438200 որոշումը՝ անվտանգության գոտիով չամրակապված ավտոմոբիլ վարելու համար,
ինչի հետ համաձայն չէ, քանի որ տեսախցիկով չի ֆիքսվել իրավախախտումը:

Դիմումի ուսումնասիրությամբ պարզվել է, որ 24.01.2018թ. ժամը 16.55-ին, Երևան
քաղաքի Քրիստափորի փողոցում քաղ.Ա.Ալեքսանյանի կողմից վարած «Ռենո» մակնիշի 939
LV 61 հաշվառման համարանիշի ավտոմոբիլը կանգնեցվել է ճանապարհային
ոստիկանության ԳՊԾ 1-ին սպայական գումարտակի 7-րդ սպայական դասակի ավագ
տեսուչ, ոստիկանության կապիտան Ս.Յայրապետյանի և նույն դասակի տեսուչ,
ոստիկանության կապիտան Ս.Մանգասարյանի կողմից ճեԱԱՄՕ-ի խախտման համար, այն է՝
վարորդն ավտոմոբիլը վարել է անվտանգության գոտին չամրակապած վիճակում: Վարորդի
նկատմամբ կազմվել է վարչական իրավախախտման վերաբերյալ արձանագրություն և,
համաձայն ՀՀ ՎԻՎ օրենսգրքի 123.3 հոդվածի, կայացվել է ԱԴ թիվ 438200 որոշումը՝ 5000
դրամ տուգանելու մասին:

Ըստ ծառայողների գրավոր բացատրությունների՝ Քրիստափորի փողոցում նկատել են,
որ իրենց առջևից երթևեկող «Ռենո» մակնիշի 939 LV 61 հաշվառման համարանիշի
ավտոմոբիլի վարորդը երթևեկում է անվտանգության գոտիով չամրակապված վիճակում:
Ս.Յայրապետյանը և Ս.Մանգասարյանը հայտնել են նաև, որ Ա.Ալեքսանյանի կողմից թույլ
տված իրավախախտումն եղել է իրենց տեսադաշտում և ակնհայտ: Սահմանված կարգով
կանգնեցնելուց հետո, ավագ տեսուչ Ս.Յայրապետյանը մոտեցել է վարորդին, ներկայացել,
պարզաբանել իրավախախտման բնույթը և պահանջել փաստաթղթերը: Վարորդը նախքան
արձանագրություն կազմելը պահանջել է ներկայացնել իրավախախտման
տեսագրությունը, ում պարզաբանվել է, որ այն չի նկարահանվել և ստանալով նման
պատասխան վերջինս հայտարարել է, որ այն արձանագրելու դեպքում ինքը կբողոքարկի:
Համապատասխան արձանագրություն կազմելուց հետո վարորդը ծանոթացել է
արձանագրության բովանդակությանը, նշել իր անհամաձայնությունը և ստանալով որոշման
իր օրինակն ու փաստաթղթերը՝ հեռացել է:

Դիմումում նշված հանգամանքների շուրջ պարզաբանումներ տալու նպատակով քաղ.
Ա.Ալեքսանյանը հեռախոսակապի միջոցով հրավիրվել է ճՈ, սակայն հայտնել է, որ
դիմումին ավելացնելու ոչինչ չունի, խնդրել է դիմումը քննարկել, իսկ արդյունքների մասին
հայտնել գրավոր:

Համաձայն «Ճանապարհային երթևեկության անվտանգության ապահովման մասին»
ՀՀ օրենքի 17-րդ հոդվածի՝ ճանապարհային ոստիկանության ծառայողը պարտավոր է
տրանսպորտային միջոցը կանգնեցնել, եթե ակնհայտ կամ տեխնիկական միջոցների
օգտագործմամբ երևում է, որ վարորդը խախտել է ճանապարհային երթևեկության
կանոնների պահանջները:



Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, քաղ.Ա.Ալեքսանյանի արարքում առկա է Վարչական իրավախախտումների վերաբերյալ ՀՀ օրենսգրքի 123.3 հոդվածով նախատեսված իրավախախտման զանցակազմը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի՝

1. Արմեն Ալեքսանյանի դիմումը թողնել առանց բավարարման, իսկ ճանապարհային ոստիկանության ՃՊԾ 1-ին սպայական գումարտակի 7-րդ սպայական դասակի ավագ տեսուչ, ոստիկանության կապիտան Ս.Հայրապետյանի կազմած վարչական իրավախախտման վերաբերյալ արձանագրության հիման վրա 24.01.2018թ. կայացված ԱԴ թիվ 438200 որոշումը՝ Արմեն Ալեքսանյանին հինգ հազար դրամ տուգանելու մասին՝ անփոփոխ:
2. Սույն որոշման օրինակներն ուղարկել ճանապարհային ոստիկանության ՎԳ բաժանմունք և դիմումատուին:
3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Կատարող՝ Հ.Մանասարյան
հեռ.011-567944